



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下劇本只作參考用途，如欲採用或改編，須先取得作者同意。

Name of School : ST. PAUL'S CO-EDUCATIONAL COLLEGE

學校名稱 : 聖保羅男女中學

Name of Play 劇名 : 十六

Script writer 劇作者 : 林保茜、梁樂滄、官有謙

Synopsis 故事大綱:

當自我與世俗衝突，人該何去何從? 主角安宇活在以十六型人格主宰命運的烏托邦，政府通過監控使人認同制度。主角人格與父親期許不同，導致父子關係緊張，後又因價值觀衝突而得罪國家首席心理學家李琳。他選擇一次次地逃離，追尋自我價值。他的反抗交織出一幕幕戲謔荒誕的戲劇衝突。



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下劇本只作參考用途，如欲採用或改編，須先取得作者同意。

第一場

(陳家)

(電視)

女記者： 過去一年，市民生活指數同平均收入都比上年度提升 40%……

(廣告)

總統林： 自從社會改為 16 社會制度，每一種人格都有應對嘅職業、生活方式、伴侶類型等等。人人都能發揮自己優點，社會達致和諧穩定。

心理學家李： 性格之所以係一個重要嘅心理概念，係因為性格決定我哋嘅生活，決定埋我哋嘅人生。

陳爸： 仔呀，當年我就係搵到自己嘅性格標籤，俾心機做嘢，先有今時今日嘅地位，養到你咁大，係喎，你今年 16 歲，啱啱做完檢測，等我睇吓結果出嚟未。太好啦！果然同我一樣，都係商業人士性格特質，噏，咁你呢從今以後，揀商科，俾心機，咁你就一定會成功。

安宇： 咩話？我有諗過喎。我由細到大最鍾意就係畫畫，我一心諗住讀美術……

陳爸： 你嘅性格決定你嘅人生，而家幫你搵埋你係邊種人格標籤，幫你慳返好多冤枉路，成功在望，你跟住做就得喇。

安宇： 媽咪點解會嚟開我哋，你仲記唔記得？

(陳爸沉默)



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下劇本只作參考用途，如欲採用或改編，須先取得作者同意。

第二場

(16 社會邊境)

安宇： 唔該晒。

莉： 你出境有時限，三個鐘內，一定要返嚟同入境處報道。

安宇： 明白。

(邊境外)

安宇： 媽咪，我諗我以後冇得畫畫啦。

媽咪： 係咪爸爸逼你放棄？

嵐： 又係你呀，啱啦，你快啲過嚟睇吓我啱啱畫完嘅畫！

安宇： 我幾時先可以好似你咁，一直畫畫，開心嘅時候畫畫，唔開心嘅時候畫畫。

嵐： 你可以走㗎。

媽： 你可以走㗎。

安宇： 但我一走，就代表我要放棄說我而家擁有嘅所有。

嵐： 你嘅所有？定係你人生嘅一小部份？究竟乜嘢先至係你追求嘅？我想你知，你係有選擇㗎。



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下劇本只作參考用途，如欲採用或改編，須先取得作者同意。

第三場

老師： 陳安宇，你爸爸已經幫你申請轉學係，你原本主修美術，下學期將會修商業。

同學： 嘩，原來你係傳說中嘅成功商業人士！

同學： 好勁呀你，安宇！

同學： 日日都話自己幾十萬上落嗰啲人就係你！

(安宇默不作聲)

(車上)

陳爸： 林總統，我真係好感激你對我嘅提攜，16型人格創立以來，造福人群，對於我有機會可以奉獻更多，我覺得好光榮。

李： 講多個好消息俾你知，我個女啱啱都做完16人格測試，同你個仔安與人格相配，佢哋兩個真係天作之合，我同你都會做親家啦。

(陳爸沉默)

(放學)

安宇： 咦，爹哋咁好來接我？

陳爸： 亞仔，上車！有好消息同你講！

(車上)

陳爸： 呢個就係林總統，同埋首席心理學家李琳，林總統，李小姐，呢個我個仔安宇。

李： 我有個女，叫笑笑，你哋個測試結果係完全吻合，你哋將來嘅婚姻將會好美滿，你哋會好幸福㗎。

安宇： 我唔識佢㗎喎！

(陳爸內心掙扎)

李： 陳生，你好好地同你個仔傾吓，你升職嘅消息我哋暫時擱置。



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下劇本只作參考用途，如欲採用或改編，須先取得作者同意。

第四幕

嵐： 咁荒謬嘅嘢都講得作出？咩年代呀？仲幫人搵對象？

安宇： 我真係唔想再留喺呢個地方。

嵐： 咁你過嚟啦，外面世界其實好大㗎，如果你願意放棄你而家擁有嘅嘢，你將來一定會擁有更多。

(家中)

安宇： 我決定㗎啦。

(兩人相視而笑)

(辦公室)

李聽電話： 笑笑，點呀，今日第一次見安宇，係咪好夾呀？咩話？陳安宇從冇出現過？得，我會處理。

李打電話： 署長，我而家懷疑有人違反 16 社會婚姻令，請你作出行動。